



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Methodus Clara Et Facilis Vacandi Orationi mentali Atque
Exercendi se cum fructu in præsentia Dei**

Coloniæ Agrippinæ, 1687

Praxis oblationum

[urn:nbn:de:hbz:466:1-46004](#)

Cæterum in hoc , uti & in aliis affectibus, non tam attendenda sunt præcepta aut ordo, quem videntur habere cum aliis , quam interior motus devotionis, adeo ut illum quis possit elicere aut omittere, multum aut parum extendere , juxta quod ipse se senserit à Spiritu sancto motum. Incipientes tamen pro aliquo saltem notabili tempore se debent astringere ad sequendum ordinem horum affectuum generaliorum , atque ad aliquos semper illorum actus producendos, ut paulatim hoc exercitium sibi facilius reddant ac familiarius.

Quid Deo possimus offerre. Argumentum ac materia oblationum copiosissima est & amplissima. Deo enim offerre possumus corpora nostra, animas, vitam, actiones, ærumnas, bona desideria, ac propria, atque insuper etiam omnia merita Domini nostri Iesu Christi, Beatissimæ Virginis, atque omnium Sanctorum , omnes virtutes & sanctas operationes , quæ ab omnibus fiunt piis , per mundum universum , hominibus, omnes laudes & gratiarum actiones , quas ei persolvunt atque in cœlo per totam æternitatem persoluturi sunt sancti Angeli, & similia, cum enim in communione vivamus Sanctorum , horum omnium aliquâ ratione possumus esse participes. Præterquam quod ad aliquid offerendum Deo sufficiat illi præsentare ea, quæ novimus ei non posse non esse accepta, ut sunt ea omnia , quæ jam commemoravimus.

Praxis oblationum.

Methodus faciendi oblationes in quibusdam apertissime elucebit exemplis. Supposito

posito igitur, quod meditatus fueris aliquod mysterium passionis Domini nostri, exempli gratia, flagellationem illius, sicque in illius ingentis amoris, quem ibi nobis exhibuit, recognitionem te illi offerre cupias, ita dices.

Heu! mi Domine, quantum tu mihi a-
rem ostendis, ubi te ingenti huic ictuum fla-
gellorum grandini exponere non dubitas?
Eieni in ut me à rigorosissimis à divina tua ju-
stitia contra medecretis pœnis, quas toties pro-
meritus ego fueram, liberares, tormenta tu
adeo immoderata ac dolorosa subire non du-
bitasti? Heu! ego sum, Domine, ego sum,
qui peccavi ac pœnas promerui: Ecce igitur
ego, Domine, qui me intra tuas consigno san-
ctissimas manus, tibique me offero tanquam
victimam, ut condignas de peccatis meis ac
sceleribus pœnas luam. Me ergo, quibuscum-
que divinæ tuæ placuerit Majestati, afflige mo-
dis, totus enim in æternum tuus sum. Utinam
à tua nunquam obedientia me subduxisset!
Offero tibi corpus meum, ut per pœnitentiam
edometur, atque ut perpetuò vivum sit instru-
mentum earum actionum, quæ ad divinam
tuam gloriam spectant. Offero tibi cor meum,
ut præter te imposterum nihil amem, linguam
meam, ut nisi de te non loquar, omnes cogita-
tiones meas, ut illæ non sint de alio, quam de
te &c.

*Formula
oblationis.*

Hac ratione dilatare se poterit anima, juxta
gustum & Spiritus sancti, quem in se persen-
serit, attractum, resignando se totaliter in ma-
nus Dei, ad faciendum & patiendum ea o-
mnia, quæ ipsi placuerint in tempore & æter-

G 5 nita.

nitate, idque in hujus tanti beneficij memoriam atque agnitionem.

At videns ea non nisi remotissimè beneficioris sui amori correspondere, Deo nostro offerre poterit pios sensus & affectus, quos unquam de hoc pœnolissimo mysterio habuerunt omnes Sancti, sive laudes quas ei æternum decantabunt omnes Angeli pro eo, quod tantum hominibus amorem patefecerit. Poterit similiter æterno Patri, in memoria tantæ charitatis, quam nobis in hocce ac tot aliis beneficiis exhibuit, offerre omnes actiones & pœnas, omnes pariter virtutes ac merita unigeniti filii illius Domini nostri Jesu Christi, à primo suæ Incarnationis momento usque ad suam gloriosam in cœlos Ascensionem. His etiam unice poterit merita Beatissimæ Virginis, atque omnium in cœlo Sanctorum, & justorum in terris, quin imò & bona proposita ac sanctas resolutiones, quas ipsa ex Spiritus sancti inspiratione conceperit.

*Alia formula ex
2. motivo
conse-
quenter
ad prece-
denter,*

Aliud accipe exemplum circa idem argumentum, ubi quis voluerit elicere actum oblationum in præteriorum negligentiarum satisfactionem, dicet hoc modo :

Verum est, Domine, non diffiteor, infinita mea est in tibi interviendo negligentia, exigua valde in perversis corruptæ naturæ meæ inclinationibus ac propensionibus expugnandis ac debellandis generositas, tanta in occasiōnibus mortificationum amplexandis tepiditas, tam modica pœnitentiæ faciendæ affectio &c. Prô ! non est hoc, quod me tu docuisti, ubi corpus tuum adeo duris & crudelibus flageliorum

lorū ictibus exposuisti : Verūm ad quem
 confugiam pro vitæ adeo tepidæ ac negli-
 gentis expiatione, nisi ad te , Domine Deus
 meus ? Recipe quæso in satisfactionem non
 præsentia hæc mea desideria , parum enim id
 foret , non corpus meum , quod deinceps ri-
 gidè habere constituo , non animam meam,
 cuius omnes potentias ac facultates imposte-
 rum te imitandi mediis investigandis, atque
 inquirendis impendere propono ; quidquid
 enim ego habeo , & à me quidquid potest
 procedere, totum nihil est , & ne quidem , ut
 tua divina Majestas ipsum respiciat, promere-
 tur. Verūm in plenam satisfactionem pro
 peccatis meis offero tibi , Pater æterne infini-
 ta merita Salvatoris mei Iesu Christi Filii tui
 unigeniti , amantissimi Redemptoris mei,
 quem nobis misericorditer tu dedisti , qui que
 seipsum ex intimo animo flagellis subjecit, in
 semetipso luens pœnas , quas nostris nos pec-
 caris promerueramus. Offero tibi hos san-
 ctissimos humeros flagellarum ictibus omni-
 nò discisos ac dilaceratos , virgineam illam at-
 que innocentem carnem omni ex parte aper-
 tam ac disruptam ; membra illa sacratissi-
 ma , ex quibus copiosissimus sanguis pro-
 manat , oculos illos lacrymis totos immer- *Respice in*
 fos , vultum illum sputis oppletum & pu- *faciem*
 dore totum coopertum , teque humillimè *Christi* *tui. Ps.*
 rogo , ut ad intuitum filii tui , doloribus ple- *83. v 3.*
 ni , atque ob amorem illius præterita mea de-
 licta ac negligentias mihi ignoscas. Offe-
 ro tibi etiam merita Beatissimæ Virginis
 Mariæ , atque omnium sanctorum tuorum.
 Offe-

Offero tibi, inquam, omnes actus interiores quos incomparabilis ista Virgo elicuit in omnibus orationibus suis, quas toto fecit vita suæ tempore. Offero tibi labores & persecutio[n]es sanctorum Apostolorum, tormenta & charitatem omnium Martyrum, virtutes & p[re]c[on]sentias omnium Religiosorum & Confessorum, puritatem atque innocentiam sanctarum Virginum, laudes, quas tibi perolvunt omnes beati in cœlo spiritus &c. Juxta hæc duo exempla quivis poterit formare sibi alia circa quodvis argumentum, atque ista optimè quis poterit imitari, ubi Deo exhibere voluerit aliquos actus oblationis ad hoc, ut rem ab ipso quampliā obtineat.

Nota. Advertent tamen Fratres nostri, tametsi hoc genus affectuum non sit absolute in quibusvis orationibus necessarium, expedientissimum tamen esse, ut nunquam ab oratione discedant, quin Deo dederint aliquid, etiam exteriorius, tametsi id aliud non esset, nisi quod in signum adorationis terram deoscularentur, ubi ad suam fuerint cellam reversi, aut vel semel recitarent orationem Dominicam brachiis per modum crucis expansis, ac similia, quæ tametsi videantur exigua, fructum tamen habent non modicum, quia nobis in memoriam revocant ea, quæ Deo promisimus, ac divina sua Majestas hasce praxes largè solet remunerari infusione gratiæ efficacis, ac necessariæ ad bona proposita nostra fideliter executioni mandanda.

CA-